

之私懷月淡河澄遐想飛駭之順動參橫斗  
轉坐聞整轡以迴旋其不勝激切之至謹稽  
首奉送

迴軒頌  
向來

十方懺儀

陞壇

步虛

東方

臣等今故燒香皈身皈神皈命

東方无極太上靈寶天尊懺悔亡故甚爰從  
無始迨至有生三業紛紜六情流浪齋戒弗  
守科律多違浮好聖文每皆負教背叛師友  
傲忽仙靈行檢有虧貪得無耻致使愆書十  
界繫結三官長夜冥冥真跡解釋以今修齋  
行道燒香散花皈命  
東方无極太上靈寶天尊九炁天君東鄉神  
仙諸靈官伏冀上聖流恩至具有過告下東  
方无極世界一切玄曹特為亡故甚疾除罪  
簿落滅惡根削字黑單紀名朱火升進品秩

任職歸班佐佑

聖皇扶持洞輔今依靈寶滅度五鍊生尸經  
法安鎮宅先嚴固歸藏更願教勅地司營衛  
體魄因緣會遇再合形魂宴景虛无飛步霄  
漢不經輪轉長處遙遙得道之後升入無形  
和與道合真

十方同只改方名總懺亦同只改十方

靈寶領教濟度金書卷之一百二十二

靈寶領教濟度金書卷之一百二十三

洞微高士開光救苦真人靈寶具校  
靈寶通玄弘教水南先生林靈真編  
料儀立成品度星齊合用  
早朝行道儀

燒香頌

各禮師存念如法

衛靈呪

青陽虛映曜日回靈神虎辟邪飛天流鈴  
摧奸滅試萬魔束形九微回道八威攝精  
千真校錄三元蕩清左肅中黃右榮六丁  
七轉八合周旋天經聖化魏魏三道順行  
慶雲流布合景黃庭和與道合真

鳴法鼓二十四通

无上三天玄元始三炁太上道君召出臣等  
身中三五功曹左右官使者侍香金童傳言  
散花玉女五帝直符直日香官各三十二人  
出出者嚴裝關啓玄壇天帝神君當召此間  
土地里域真官正神急上關啓臣今奉為入  
齋意以今清且陞壇行道願得玉清道炁靈

寶妙先下降流入臣等身中令臣所啓之誠  
速達徑御  
太上无極大道至真玉皇上帝御前

請稱法位

具位臣等與臨壇官眾等謹同誠上啓

虛无自然元始天尊无極大道太上道君太  
上老君高上玉皇十方已得道大聖眾至真  
諸君丈人三十二天帝君王虛上帝玉帝大  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上保上傳太  
平下教二十四真人西城總真玉君太元真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞  
清微御運慈雲融五劫之春亦明開圖慧日  
照十華之旦耀金書於碧落浮玉宇於紫虛  
敷八威空洞之篇演三籙飛玄之韻奔晨遶  
景混九室之迴風度命登真洒六宮之惠露  
碧玉地彰於聖化黍珠天啓於神機慶泱天  
人仁周幽顯臣等緣諧宿運生際昌時探囊

中紫鳳之章佩肘後蒼虬之錄林泉高蹈宜  
存修以競辰塵土卑棲迺逶遲而玩歲功無  
毫髮過有淵陵尚涵覆燾之恩俾贊樞機之  
化凡有投告敢不上聞齋意青詞謹當敷露

宣詞

按如詞旨備極忱恂齋主某憫斯亡靈罹茲  
奇疾神聖工巧生根莫返於三彭地水火風  
命蒂遂凋於二豎舟藏何在水逝不回痛肝  
肺之俱摧嗟音容之莫覩陽精陰粹既顛倒  
於生前地魄天魂懼輪迴於死後致故烝之  
流染與注殃之累連自非聖真垂洗濯之恩  
曷俾身家膺清淨之福爰消穀旦恭潔蓬居  
依玉匱之明科演金真之冲範瓊音九奏蘭  
煙芬馥於玄中瑤壇三成蓮炬熒煌於空際  
十絕舞玄龍之駕九光翻朱鳳之轅獅座端  
臨駕班肆觀宛若浮華之會奚堪龍幄之游  
敷民欲於再三觀天休於萬一恩疏白簡期  
超陰壑之形神名紀青編願福陽庭之步武  
以今清旦陞壇行道請法衆等運茲初檢上  
香

願此香煙騰空徑上供養  
无上至真道寶臣等皈身皈神皈命首體投  
地仰依

太上三尊願以是功德上祝  
杜稷專靈宗桃先聖鸞駘汎景鳳馭飛霄登  
蓬丘以尋真躡瑤室而問道流祥寶柞演慶  
璇源

皇帝德邁懷齊功高軒燧五山鎮地齊御極  
之脩齡八海浮天並朝宗之洪福文軌同仁  
於禹跡梯航慕義於堯疆內掖外朝共昌

帝業文傳武佐永贊  
皇圖今故燒香自皈依  
師尊大聖眾至真之德得道之後保天長存  
和與道合真

以今清旦陞壇行道請法衆等運茲二檢上  
香

願此香煙騰空徑上供養  
无上至真經寶臣等皈身皈神皈命首體投  
地仰依

太上三尊願以是功德奉祝齋主家九玄七

祖德劫種親伏願靈林高步芝沼融真騰碧  
 漢以怡神玄雲翼乘雲朱丹而受記紫策躋  
 攀流芳文獻之宗濟美詩書之澤齋主其五  
 福天錫三壽山齊教玉液以酣和朱顏霞紫  
 茂金花而御景玄谷雲生凝瑞蒸於門闌蕩  
 光風於庭宇永絕陰陽之寇常開經緯之祥  
 今故燒香自皈依  
 師專大聖眾至真之德得道之後升入無形  
 和與道合真  
 以今清旦陞壇行道請法眾等運齒三檢上  
 香  
 願此香煙騰空徑上供奉  
 无上至真師寶臣等皈身皈神皈命首體投  
 地仰依  
 太上三尊願以是功德歸流臣等三師四友  
 五族六親伏願玄雲披拂道月舒明既往者  
 悟一性之圓通永辭有漏見在者淪六情之  
 纏累克證無為以至七趣三塗九幽六洞均  
 登樂境等定水之無塵疾脫苦輪免業山之  
 有障今故燒香自皈依

師專大聖眾至真之德得道之後長享自然  
 和與道合真

禮方

儀方

三啓

樂法以為妻 愛經如珠玉 持戒制六情

念道遺所欲 澹泊正氣停 蕭然神靜默

天魔並敬護 世世享大福

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某與臨壇官眾等謹同識上啓

虛无自然元始天尊无極大道太上道君太

上老君高上玉皇十方已得道大聖眾至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶  
 瓊臺紫微上宮靈寶至真明皇道君三十六  
 部尊經玄中大法師上相上宰上保上傅太  
 平下教二十四真人西城總真玉君太元真  
 人東嶽上卿司命茅君定錄保命二真人名  
 山洞府得道神仙三界官屬一切真靈臣聞  
 九霄降炁驚天駭地以稟形三景流輝負陰  
 抱陽而賦命職生死於三十五分紀善惡於  
 二十四時垂象無私校錄揭水衡之正東陽  
 有赫圖編昭冰鏡之明承符上贊於玄元宣  
 化下陶於黎庶但勤皈向必藉網維今玄壇  
 所度亡故某切慮分炁天中寓形宇內浮沉  
 業海莫穩駕於慈航跋蹇昏衢罔高張於慧  
 燭致性天之雲擾而心地之塵飛顛冥百非  
 周遭三惑違五常而干人紀觸三光而犯天  
 文愆書司殺之曹過紀典老之錄六隆伺間  
 人久瘁於沉痾五鑿乘危形遂凋於戾證牽  
 連注訟積遠考殃孰伸援手之仁惟抱驚心  
 之痛念下民起死超凌望切於雲霓而上帝  
 好生提極恩踰於雨露庸依藥笈式建芝壇



(07) A A 26-5

彈皎日之丹盟宣度星之玄範鳳縉環列龍  
壁羅敷瞻象緯以輪誠迴雲層而效秋冀垂  
睿澤恪幹衷恩綸頒紫禁之朝罪籍削黑  
艷之夜出離地戶無拘留逼合之憂徑入天  
門有侍衛送迎之樂昇神受化返胎更生絕  
塚訟於家庭息注殊於眷序齋主其合家男  
女權衡二恣蕭勺五官梨棗長新視履啓福  
庭之旦松筠益茂耆願開壽域之春消九厄  
而釋三災導千祥而迎百福紹箕裘於已往  
垂詩禮於方來長幼咸寧姻親泰定上願乾  
坤澄晏日月光華甘露沾濡卿雲覆冒三軍  
鼓舞烽煙沉榆柳之關萬姓謳歌膏雨潤桑  
麻之隴息化機於動植融生意於飛潛五道  
停輪三塗罷對則上明

天專大慈之化下副臣等皈命之誠謹啓以  
聞

### 舉願

- 一 念爲道四大合德齋主七世父母免脫憂
- 苦上昇天堂衣食自然
- 二 念帝王國主道化興隆庠序濟濟皇教恢

弘威儀翼翼普天所瞻民稱太平四夷賓  
伏杖惡自滅賢聖日生

三 念法師功德大建教化明達俱獲飛仙

四 念同志學人早得仙道更相開度

五 念九親和睦好尚仁義貴道賤財行爲物

### 範

六 念損已布施道士及飢寒者天下人民各

得其所

七 念蠕動踐行一切衆生成蒙成就

八 念救贖前生今世罪對立功補過

九 念家門隆盛宗廟有人世生賢才

十 念尊受師經不敢中怠平等一心廣度一

切剋獲飛仙白日登天拜見太上永成真

人雲車羽駕和與道合真

### 存神攝香

香官使者左右龍虎君侍香諸靈官當令臣  
早朝行道之所自然生金液丹碧芝英百靈  
衆真交會在此香大爐前令臣學道得道求  
仙得仙齊主受福幽顯沾恩十方仙童玉女  
侍衛香煙傳巨向來所啓之誠速達徑御

太上元極大道至真玉皇上帝御前

出堂頌

回靜默

謝師 回向

靈寶領教濟度金書卷之一百二十三